

Lwgnyez Gyaep Gaeq, Eu Hwnj Fwen Ranzmbanj

□ Yahnaxseiq Sij Mbwn Heunaunau hoiz

Mbatneix cibgeij ngoenz youq ranz yahdaiq, moix ngoenz gijgvangq hozdung mbouj mauhvaq 100 mij. Mbouj dwg youq ndaw ranz, couh dwg daiq lwgnyez bae diegdangz guh-caemz. Gizhaenx gvangqlangh mbouj miz vunz, lij miz bang gaeq gyoengq lwgnyez cei maij dem, bang gaeq youq gizhaenx byaij bae byaij dauq, ra gwn caeuq doxdot guhcaemz, cwxcaih dangqmaz.

Bang lwgnyez neix youh iu youh manz, ngoenznaengz mbouj miz maz saeh, cij siengj dawz nye gosangh bae gyaep bang gaeq buet bae buet dauq. Bang gaeq gig hojlienx, linj ndaej dauqcawq mbin deuz, gyoengq lwgnyez dauq angqvauvau riengz youq baihlaeng, gikdoengh ndaej daih hemq daih swenj, nauhyied dangq-maz.

Haemhlwenz gaenq doek fwn gvaq, gwnz diegdangz vanzlij comz miz haujlai raemx, dauqcawq dumz-dwddwd. Yienznaeuz giz mbouj cuengq doxgaiq hawq di, hoeng, haujlai giz doi miz fiengznyangj, baez yamqdin roengzbae, lij dwg raemx-gwkgwk. Doengh gij dieg neix, cingq dwg gij dieg bang gaeq cei maij bae ra gwn doxding.

Banhaet hwnqdaeuj, swnh gou riengx bak swiq naj, gyoengq lwgnyez youh buet bae diegdangz gyaep gaeq lo. Mbouj geij nanz, dahlaux gou couh yenjakyak buet ma lo, aenvih haiz caeuq vaq de cungj dumz caez lo.

Gou yawj le daej riu cungj mbouj baenz, ganjgip bang de vuenh haiz rieg

vaq. Ngamq rieg ndaej, de youh yaek buet okbae. Yahnax lanz de cam: “Mwngz yaek okrog bae guh maz?” De gikdoengh naeuz: “Gou siengj caiq bae gyaep gaeq.” Gou cij ndaej daengq de, caj gwn ngaiz le caiq bae. De daejnganga mbouj dingz, swngzgei youh buet okbae lo, Yahnax cij ndaej gaen baihlaeng ganq gyoengqde.

Daengz seiz gwn ngaiz, gyoengq-de cij ma ranz, Yahnax ingj le geij mbaw siengq, fat youq ndaw ginz-veihsin. Gou daj mbaw siengq yawj-raen mbwn gaenq doek fwn gvaq, dahlaux byaij daengz diegdangz caeuq bang gaeq doxnyangz le, doq angq-fwngfwng gyaep bang gaeq hwnj gwnz ciengz, roxnyinh gig mizyinx, nyaenx mbouj ndaej eu hot fwen ndeu hwnjdaeuj:

“Aenmbwn doek fwn gvaq,
Dahlaux gvaq diegdangz;
Nem duzgaeq doxnyangz,
Gyaep hwnj cangz(ciangz) guh-caemz.”

Youq ndaw ginzveihsin, Mbauq-loeg gig vaiq couh han hot fwen:

“Duzgaeq lau deng gaj,
Duzduz gaq gwnz cingz(ciangz);
Mbouj gamj youq diegbingz,
Aeu guhringz couh dai.”

Gou yawjraen gij gaeq Goengseiq ciengx cungj gig hoenghfwdfwd, cawj le haengjdingh gig ndeigwn. Lwgbawx Goengseiq ndwen laeng couh yaek seng lwg lo, Goengseiq vih neix yunghsim ciengx le bang gaeq neix, gou siengj daengz neix couh han

Mbauqloeg:

“Goengseiq ciengx ndei gaeq,
Gyaundeit youh baenz gvai;
Yawjraen couh ndwnj myaiz,
Ciengx ce ngaiz ndawndwen.”

Yaep ndeu, Mbauqloeg ciep hwnj lo:

“Goengseiq miz giva,
Hai va dawz mak daeuj;
Yienghyienh miz vunz caeuq,
Dem ding raeuz couh angq.

Danghnaeuz myaiz caen lae,
Gaj geij duz hix ndaej;
Ciengx miz baenzlai gaeq,
Aenndang bouj ndaej vaiq.”

Gou laebdaeb eu:

“Goengseiq ciengx lai gaeq,
Duzduz baenzneix baeux;
Seiz Mbauqloeg gvaqdaeuj,
Gaj geij duz daeuj daih.”

Mbauqloeg han:

“Lau bae daengz henz mbanj,
Mbouj gamj heuh haeuj ranz;
Hoenx binghra q gannanz,
Nanz doxcomz gwn can.”

Gou youh eu:

“Seizneix cingzgvang ak,
Youq ranz gag youq ndei;
Caj hoenx hingz bingh neix,
Caiq baij daiz caez gwn.”

Mbauqloeg youh ciep eu:

“Gyaeng ranz cibgeij ngoenz,
Mumh baenz boengj bienq raez;

Binghra q gvaq bauz caez,
Menh caiq bae guhdoi h.”

Gou daeuq mizyinx le:

“Bouxboux cungj raen mbaet,
Ngoenzngoenz vaet youq ranz;
Mbouj ok bakdou ranz,
Nanz rox yiengh daengngoenz.”
.....

Couh yienghneix, gyoengq lwgnyez youq diegdangz gyaep gaeq guhcaemz, geij boux laux fouz eiq youq ndaw ginzveihsin daeuq geij hot fwen ranzmbanj, hawj caezgya dem miz haujlai yinxdaeuz.

Caensim maqmuengh binghra q ndaej sikhaek gvaqbae, sojmiz fuk-dauq lumj gaxgonq, caezgya ndaej caenhcingz yiengjsouh gij saedcej angqyangz, caeuq gyoengq caencik baengzyoux doxcomz guhdoi h gangj-gangj riuriu.



“Ndaw rongz roeglaej henz miuh.”

“Ha!” Gou doeksaet yat, dungx-mbouq cam: “Duz neix baenzlawz youq ndaw rongz roeglaej?”

“De ndonj haeuj ndawde bae gwn gyaep roeglaej caeuq roeglaej iq.”

“Dou lij ciengzseiz bin hwnj gwnz ciengz iet fwngz daengz ndaw rongz roeglaej bae aeu gyaep de ne!”

“Gvaqlaeng aeu haeujsim lo, danghnaeuz gij lwgfwngz mwngz deng haeb gaemz ndeu mbouj dwg gangjriu lo.” Aulungzgeiz doq daengq gou doq daj ndaw daeh mbon gep bohli z he, gvej hoz duzngwz, duz ngwz haenx mbitmbieng ndaej engq haenq lo, Aulungzgeiz fwngzswix nep gaenj diuz rieng de, hob naengbak, lumj-naeuz gig roengzrengz.

“Aeu mbouj aeu gou daeuj bang mwngz?” Gou lumj deng dub naj gawh le hixnaengz cang bouxbiz nei, mbeihung cam de coenz he.

·Sawcuenhraz Lwgnyez·

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

“Mbouj aeu.” Aulungzgeiz bibi gyaep.

Caeklaiq de baenzneix naeuz, danghnaeuz de caen heuh gou bang gaem diuz rieng duzngwz, gou couh yaek saetnaj lo.

Geiq ndaej geij ndwen gaxgonq, gou caeuq Ah Veij, Ah Cang, Ah Gunh, Ah Giuh geij bouxnyez youq mohrin duh singq Linz laeng lajbya guh’angq. Mohrin haenx gig gvangq, beimoh baihlaeng dongq hwnj moh, gij yienghcej lumj baihlaeng duzdaeuh, dou heuh gizde guh mohduzdaeuh, aeu sui jniz caep baenz, gij moh gizyawz

cungj dwg aeu benjrin bu hane. Dangqnaj aen moh miz gaiq dieg bingzrwrwd caemhcai q hoengqvattat he, song henz lij miz saeciejrin caeuq mbaeklaerin, benjrin deng ndit dak ndaej ndatcik. Daengngoenz lij maeuq youq gwnz dingjbya mbouj haengi roengzbae, dou geij boux lwgsai nienzgeij ca mbouj lai, langh vaiz caeuq yiengz youq gwnz bo gwn nywj, caezgya mbouj aeu doxiu, couh gyeobcomz youq gizneix. Ah Cang ndaw fwngz gaem diuz ngafaex, Ah Gunh gip le nyecuk, song vunz couh doxdaj hwnjdaeuj. Ngafaex guh giemq,

nyecuk dangq lem, baez bag baez camx, mwngz daeuj gou vang, daeuq ndaej haenqrengz raixcaix, ndaw bak gou mbouj dingz hemq:

“Dung dung dung dung……”

“Sing gyong” mbouj daengx, hoenxciangq haenqrem.

Ah Veij caeuq Ah Giuh doq bekwngz doq hemq:

“Gaj! Gaj! Gaj!……”

Youq ndawsim dou, lumj yienghneix guhcaemz mbouj miz maz gamhanh caemhcai q mbouj miz vunzhung daeuj guenj, dwg mwh cei q sim’angq ndaw ngoenz lo, seiqhenz mbouj miz maz vunzhung, hix mbouj miz nuengx dangj fwngz gaz ga, cij miz rum, gofaex, ndit caeuq rumz, byawz hix mbouj gaz daengz byawz, vaiz yiengz swngz daengngoenz caengz roengz bya, daegbied haeujsim bae gwn go’nywj, nyaengq ndaej gyaep hix mbouj ndaejhoengq ngiengx baez he.
(caengz sat)